



An Bhruiséil, 4 Bealtaine 2026
(OR. en)

8820/26

UD 120
ENFOCUSTOM 57
FISC 155
ECOFIN 558
MI 425
COMER 76
TRANS 265
DELACT 83

NÓTA CLÚDAIGH

ó:	Ardrúnaí an Choimisiúin Eorpaigh, arna s(h)íniú ag Martine DEPREZ, Stiúrthóir
dáta a fuarthas:	30 Aibreán 2026
chuig:	Thérèse BLANCHET, Ardrúnaí Chomhairle an Aontais Eorpaigh
Uimh. an doic. ón gCoim.:	C(2026) 2760 final
Ábhar:	RIALACHÁN TARMLIGTHE (AE) .../... ÓN gCOIMISIÚN an 30.4.2026 lena leasaítear Rialachán Tarmligthe (AE) 2015/2446 a mhéid a bhaineann le sainmhínte, dearbhuithe custaim agus eilimintí sonraí a bhaineann leis an dleacht chustaim shealadach EUR 3 ar chiandíol earraí allmhairithe i gcoinsíneacht nach mó ná EUR 150 a luach intreach

Gheobhaidh na toscaireachtaí i gceangal leis seo doiciméad C(2026) 2760 final.

Faoi iamh: C(2026) 2760 final



AN COIMISIÚN
EORPACH

An Bhruiséil, 30.4.2026
C(2026) 2760 final

RIALACHÁN TARMLIGTHE (AE) .../... ÓN gCOIMISIÚN

an 30.4.2026

lena leasaítear Rialachán Tarmligthe (AE) 2015/2446 a mhéid a bhaineann le sainmhínte, dearbhuithe custaim agus eilimintí sonraí a bhaineann leis an dleacht chustaim shealadach EUR 3 ar chiandíol earraí allmhairithe i gcoinsíneacht nach mó ná EUR 150 a luach intreach

MEABHRÁN MÍNIÚCHÁIN

1. COMHTHÉACS AN GHNÍMH THARMLIGTHE

Le Rialachán (AE) Uimh. 952/2013 ó Pharlaimint na hEorpa agus ón gComhairle an 9 Deireadh Fómhair 2013 lena leagtar síos Cód Custaim an Aontais (CCA), i gcomhréir leis an gConradh ar Fheidhmiú an Aontais Eorpaigh (CFAE), déantar an chumhacht a tharmligean chuig an gCoimisiún chun eilimintí neamhriachtanacha áirithe de CCA a fhorlíonadh, i gcomhréir le hAirteagal 290 CFAE. Dá bhrí sin, d'fheidhmigh an Coimisiún na cumhachtaí sin trí Rialachán Tarmligthe (AE) 2015/2446 ón gCoimisiún a ghlacadh an 28 Iúil 2015, ar rialachán é lena bhforlíontar Rialachán (AE) Uimh. 952/2013 ó Pharlaimint na hEorpa agus ón gComhairle a mhéid a bhaineann le rialacha mionsonraithe maidir le forálacha áirithe de chuid Chód Custaim an Aontais. Leis an Rialachán Tarmligthe sin ón gCoimisiún leagadh síos forálacha a bhfuil feidhm ghinearálta leo, rud a dhéantar chun an Cód a fhorlíonadh i gcomhréir le cumhachtaí tarmligthe an Choimisiúin agus d'fhonn a áirithiú go gcuirfead CCA i bhfeidhm go soiléir cuí.

Chun aghaidh a thabhairt ar an méadú suntasach a tháinig le déanaí ar earraí ar luach íseal a allmhairítear go díreach ó thríú tíortha chuig tomhaltóirí i gcóir chustaim an Aontais, ghlac an Chomhairle Rialachán (AE) 2026/382 an 11 Feabhra 2026 lena leasaítear Rialachán (CE) Uimh. 1186/2009 a mhéid a bhaineann leis an tairseach faoisimh ó dhleacht chustaim a dhíchur trí Chaibidil V de Theideal II den Rialachán sin a scriosadh, chun dleacht chustaim shimplithe idirthréimhseach a chur i bhfeidhm ón 1 Iúil 2026.

Mar thoradh ar dhíothú na tairisí faoisimh ó dhleacht chustaim, earraí a bhfuil luach intreach suas le EUR 150 acu in aghaidh na coinsíneachta ('coinsíneachtaí ar luach íseal'), a allmhairítear go díreach ó thríú tíortha chuig coinsínithe san Aontas, beidh siad faoi réir dleachtanna custaim. Dá bhrí sin, is gá a áirithiú go mbeidh na Ballstáit in ann, ó dháta chur i bhfeidhm Rialachán (AE) 2026/382 ón gComhairle an 11 Feabhra 2026, déileáil le ríomh agus bailiú na ndleachtanna custaim nua atá dlite ar na coinsíneachtaí sin a allmhairítear isteach i gcóir chustaim an Aontais. Is é an cuspóir atá ann a áirithiú go mbeidh an cur chun feidhme sin éifeachtúil, go mbeidh sé inoibrithe faoi chuimsiú na reachtaíochta custaim atá ann cheana agus gur féidir é a dhéanamh laistigh de na córais náisiúnta TF atá ann cheana, go háirithe i bhfianaise chur chun feidhme amach anseo na mbeart sonrach ríomhthráchtála atá san athchóiriú ar Chód Custaim an Aontais, a mbeidh tionchar acu ar na gnéithe dlíthiúla agus TF den dleacht chustaim sin. Ina theannta sin, trí dheireadh a chur leis an bhfaoiseamh ó dhleacht chustaim tacófar le cuspóirí aeráide trí na tionchair mhóra ar an gcomhshaol a bhaineann le dramhaíl iomarcach ó phacáistíocht, astaíochtaí iompair agus róthomhaltas a mhaolú.

Chun aghaidh a thabhairt ar an méadú mór ar an gcainníocht coinsíneachtaí suas le EUR 150, ar cainníochtaí iad, dá bhrí sin, a bhaineann tairbhe as an bhfaoiseamh ó dhleacht chustaim, a thagann isteach i gcóir chustaim an Aontais, agus an t-ualach riaracháin á íoslaghdú a mhéid is féidir, an 1 Iúil 2021 chuir an Coimisiún dearbhú custaim chun feidhme le haghaidh na 'gcoinsíneachtaí ar luach íseal' sin (dearbhú H7, mar a thugtar air) agus úsáid á baint as tacar sonraí sonrach ina bhfuil níos lú eilimintí ná mar atá i ndearbhú custaim caighdeánach H1. Bhain earraí atá le dearbhú faoi dhearbhú H7 tairbhe as an bhfaoiseamh ó dhleacht chustaim le haghaidh earraí a bhfuil luach intreach suas le EUR 150 acu in aghaidh na coinsíneachta. Ós rud é nach bhfuil feidhm ag an bhfaoiseamh sin ó dhleacht a thuilleadh, mar thoradh ar na hathruithe a tugadh isteach le Rialachán (AE) 2026/382 ón gComhairle an 11 Feabhra 2026, is gá, dá bhrí sin, raon feidhme an dearbhaithe H7 sin a thabhairt cothrom le dáta.

Le Rialachán (AE) 2026/382 ón gComhairle an 11 Feabhra 2026, tugtar isteach réiteach sealadach simplithe, i bhfoirm dleacht chustaim EUR 3 in aghaidh na hítíme i gcoinsíneacht nach mó a luach intreach ná EUR 150 san iomlán, nach bhfuil feidhm aige ach amháin maidir le sealbhóirí Ionaid Ilfhreastail Allmhairiúcháin (IIFA) agus le coinsíneachtaí poist mar a shainmhínítear in Airteagal 1(24) de Rialachán Tarmligthe (AE) 2015/2446 ón gCoimisiún. Beidh feidhm ag an mbeart sealadach sin ón 1 Iúil 2026 go dtí an 1 Iúil 2028, nuair a mheastar go gcuirfear in úsáid Mol Sonraí Custaim an Aontais le haghaidh na ríomhthráchtála. Mar sin féin, má chinneann an Coimisiún nach mbeidh an Mol Sonraí i seirbhís faoin dáta sin, tiolacfaidh sé togra chun síneadh a chur leis an mbeart idirthréimhseach sin.

Beidh feidhm ag dleacht chustaim EUR 3 maidir leis na hearraí sonracha spriocdhíríte dá dtagraítear i Rialachán (AE) 2026/382 ón gComhairle an 11 Feabhra 2026, gan beann ar cé acu a dhearbhaítear na hearraí sin i ndearbhú H1, H6 nó H7 nó nach ndearbhaítear.

Ina theannta sin, formhór na n-earraí ar luach íseal a allmhairítear go díreach ó thríú tíortha chuig tomhaltóirí i gcríoch chustaim an Aontais, níl siad i gcomhréir le rialacha an Aontais maidir le táirgí ná le caighdeáin sábháilteachta. Deimhníodh é sin le hoibríocht rialaithe custaim ar mhórsála ar fud an Aontais, i gcomhar le húdarais faireachais margaidh, faoi réimse rialaithe tosaíochta, in 2025. Mar bheart chun feabhas a chur ar bhainistiú riosca agus ar rialuithe sa ríomhthráchtáil agus chun réiteach idirmheánach a áirithiú maidir le forfheidhmiú toirmeasc agus srianta sula gcuirfear Mol Sonraí Custaim an Aontais Eorpaigh don ríomhthráchtáil in úsáid i mí Iúil 2028, tugtar isteach coincheap an tsainaitheantóra táirge.

2. COMHAIRLIÚCHÁIN ROIMH GHLACADH AN GHNÍMH

Pléadh an Gníomh Tarmligthe seo i Roinn na Reachtaíochta Ginearálta de chuid an tSainghrúpa Custaim an 14 Eanáir 2026 agus an 12 Feabhra 2026.

3. EILIMINTÍ DLÍ AN GHNÍMH THARMLIGTHE

Is sa tarmligean cumhachta dá bhforáiltear in Airteagal 7(a) de Chód Custaim an Aontais atá an bunús dlí leis an Rialachán seo.

Prionsabal na coimhdeachta

Tagann an Gníomh Tarmligthe seo faoi inniúlacht eisiach an Aontais de réir Airteagal 3(1)(e) den Chonradh ar Fheidhmiú an Aontais Eorpaigh (CFAE).

Prionsabal na comhréireachta

Ó thaobh na comhréireachta de, urramaítear leis an Rialachán seo teorainneacha na gcumhachtuithe a dheonaigh na comhrechtóirí, agus ní bhaineann sé ach le heilimintí a bhfuil sé i gceist leo na forálacha dlíthiúla atá ann cheana a oiriúnú níos fearr do riachtanais an chleachtais laethúil atá ag údarais chustaim, oibreoirí eacnamaíochta agus daoine nach oibreoirí eacnamaíochta iad.

4. IMPLEACHTAÍ BUISÉADACHA

Is é is aidhm don Gníomh Tarmligthe seo Cód Custaim an Aontais a ailíniú le Rialachán (AE) 2026/382 ón gComhairle an 11 Feabhra 2026 lena leasaítear Rialachán (CE) Uimh. 1186/2009 a mhéid a bhaineann le deireadh a chur leis an bhfaoiseamh ó dhleacht chustaim. Táthar ag súil, dá bhrí sin, go dtacóidh sé leis an méadú ar bhuiséad an Aontais agus ar bhuiséid na mBallstát, ós rud é go mbaileofar dleachtanna custaim nua anois le haghaidh earraí a thit faoin tairseach faoisimh ó dhleacht EUR 150 roimhe sin agus earraí nár bailíodh aon dleacht chustaim ina leith roimhe sin.

RIALACHÁN TARMLIGTHE (AE) .../... ÓN gCOIMISIÚN

an 30.4.2026

lena leasaítear Rialachán Tarmligthe (AE) 2015/2446 a mhéid a bhaineann le sainmhínte, dearbhuithe custaim agus eilimintí sonraí a bhaineann leis an dleacht chustaim shealadach EUR 3 ar chiandíol earraí allmhairithe i gcoinsíneacht nach mó ná EUR 150 a luach intreach

TÁ AN COIMISIÚN EORPACH,

Ag féachaint don Chonradh ar Fheidhmiú an Aontais Eorpaigh,

Ag féachaint do Rialachán (AE) Uimh. 952/2013 ó Pharlaimint na hEorpa agus ón gComhairle an 9 Deireadh Fómhair 2013 lena leagtar síos Cód Custaim an Aontais¹, agus go háirithe Airteagal 7, pointe (a), Airteagal 131, pointí (a), (b) agus (c) agus Airteagail 160 agus 175 de,

De bharr an mhéid seo a leanas:

- (1) Foráiltear le hAirteagal 143a de Rialachán Tarmligthe (AE) 2015/2446 ón gCoimisiún² maidir le dearbhú custaim a thaisceadh maidir le scaoileadh i saorchúrsaíocht ina bhfuil an tacar sonraí sonrath agus laghdaithe dá dtagraítear in Iarscríbhinn B a ghabhann leis an Rialachán Tarmligthe sin ('dearbhu H7') i leith coinsíneacht a bhaineann tairbhe as faoiseamh ó dhleacht ar allmhairí i gcomhréir le hAirteagal 23(1) de Rialachán (CE) Uimh. 1186/2009 ón gComhairle³. Le Rialachán (AE) 2026/382 ón gComhairle⁴ leasaítear Rialachán (CE) Uimh. 1186/2009 trí Airteagail 23 agus 24 de a scriosadh le héifeacht ón 1 Iúil 2026. Mar thoradh air sin, tá earraí nach mó ná EUR 150 in aghaidh na coinsíneachta a luach intreach faoi réir dleachtanna custaim anois, agus tá údarais chustaim le dleachtanna custaim a bhailiú ar earraí i gcoinsíneacht den sórt sin gan beann ar a luach fógartha.
- (2) Le Rialachán (AE) 2026/382 tugtar isteach dleacht chustaim shealadach EUR 3 in aghaidh na hítimé i gcoinsíneachtaí nach mó a luach intreach ná EUR 150 san iomlán, i gcás ina bhfuil allmhairiú na n-earraí díolmhairithe ó CBL i gcomhréir le hAirteagal 143(1), pointe (ca), de Threoir 2006/112/CE ón gComhairle⁵, nó i gcás ina bhfuil na hearraí i gcoinsíneacht phoist mar a shainmhínítear in Airteagal 1, pointe (24), de

¹ IO L 269, 10.10.2013, lch. 1, ELI: <http://data.europa.eu/eli/reg/2013/952/oj>.

² Rialachán Tarmligthe (AE) 2015/2446 ón gCoimisiún an 28 Iúil 2015 lena bhforlíontar Rialachán (AE) Uimh. 952/2013 ó Pharlaimint na hEorpa agus ón gComhairle a mhéid a bhaineann le rialacha mionsonraithe maidir le forálacha áirithe de Chód Custaim an Aontais, (IO L 343, 29.12.2015, lch. 1, ELI: http://data.europa.eu/eli/reg_del/2015/2446/oj).

³ Rialachán (CE) Uimh. 1186/2009 ón gComhairle an 16 Samhain 2009 lena mbunaítear córas Comhphobail d'fhaoisimh ó dhleacht chustaim (IO L 324, 10.12.2009, lch. 23, ELI: <http://data.europa.eu/eli/reg/2009/1186/oj>).

⁴ Rialachán (AE) 2026/382 ón gComhairle an 11 Feabhra 2026 lena leasaítear Rialachán (CE) Uimh. 1186/2009 a mhéid a bhaineann leis an tairseach faoisimh ó dhleacht chustaim a dhíchur (IO L, 2026/382, 18.2.2026, ELI: <http://data.europa.eu/eli/reg/2026/382/oj>).

⁵ Treoir 2006/112/CE ón gComhairle an 28 Samhain 2006 maidir leis an gcomhchóras cánach breisluacha (IO L 347, 11.12.2006, lch. 1, ELI: <http://data.europa.eu/eli/dir/2006/112/oj>).

Rialachán Tarmligthe (AE) 2015/2446 ('dleacht chustaim EUR 3'). Dá bhrí sin, is gá na rialacha a leagtar amach i Rialachán Tarmligthe (AE) 2015/2446 maidir le húsáid dhearbhu H7 a thabhairt cothrom le dáta, chun a áirithiú nach bhféadfar ach earraí atá faoi réir na dleachta custaim EUR 3 a dhearbhu i ndearbhú den sórt sin.

- (3) Chun cur i bhfeidhm ceart na dleachta custaim EUR 3 a áirithiú, is gá an sainmhíniú ar 'earraí i gcoinsíneacht phoist' dá bhforáiltear i Rialachán Tarmligthe (AE) 2015/2446 a leasú chun a shoiléiriú cé na hearraí a bhfuil feidhm ag dleacht chustaim EUR 3 maidir leo, agus chun athbhreithniú a dhéanamh ar raon feidhme dhearbhu H7.
- (4) Is gá sainmhíniú foirmiúil ar 'ítim' a bhunú i Rialachán Tarmligthe (AE) 2015/2446, chun a áirithiú go mbeidh feidhm ag an dleacht chustaim EUR 3 maidir le gach ceann de na hítimí nuair a dhearbhoífar earraí mar ítimí ar leithligh. Tarlaíonn sé sin freisin nuair a dhearbhaítear dhá ítim chomhionanna nó níos mó ar línte ar leithligh i ndearbhú, cé go gceadaítear na hítimí comhionanna sin a ghrúpáil agus iad a dhearbhu ar an aon líne amháin.
- (5) Ní bhaineann dearbhú H7 ach le hearraí i gcoinsíneachtaí nach mó a luach intreach ná EUR 150 san iomlán, a dhíoltar i gciandíol earraí allmhairithe mar a shainmhínítear in Airteagal 14(4), pointe (2), de Threoir 2006/112/CE. Ós rud é nach gcumhdaítear leis an sainmhíniú sin ach earraí a allmhairítear chuig custaiméir san Aontas, ní gá earraí a bhfuil a n-allmhairiú díolmhaithe ó CBL i gcomhréir le pointe (d) d'Airteagal 143(1) de Threoir 2006/112/CE (nós imeachta custaim 42, mar a thugtar air), a bhaineann le hallmhairí 'gnólacht le gnólacht', a eisiamh go sainráite ó raon feidhme Airteagal 143a de Rialachán Tarmligthe (AE) 2015/2446.
- (6) Tá feidhm ag dleacht chustaim EUR 3, áfach, gan beann ar cé acu a dhearbhaítear na hearraí i gcórais dearbhaithe H1, H6 nó H7 nó nach ndearbhaítear. Dá bhrí sin, níl aon athrú ar chur i bhfeidhm na ndearbhuithe sin maidir le hearraí a dhíoltar i gciandíol.
- (7) Leis an athrú ar an sainmhíniú ar 'earraí i gcoinsíneacht phoist' a dhéantar leis an Rialachán seo is gá leasuithe comhfhreagracha a dhéanamh, trí 'earraí a iompraítear faoi fhreagracht oibreora poist' a chur ina ionad sin i leith Dearbhuithe Iontrála Achomair, an dearbhaithe custaim dá dtagraítear in Airteagal 144 de Rialachán Tarmligthe (AE) 2015/2446, agus gníomhartha a mheastar a bheith ina ndearbhuithe custaim i gcomhréir le hAirteagal 141 den Rialachán Tarmligthe sin.
- (8) Chun teorainn a chur leis na himpleachtaí a bhaineann le cur i bhfeidhm an éascaithe a leagtar síos in Airteagal 148(3) de Rialachán Tarmligthe (AE) 2015/2446, earraí i gcoinsíneacht nach mó ná EUR 150 a luach intreach, a dhíoltar trí chiandíol earraí allmhairithe, a thugtar ar ais tar éis iad a scaoileadh i saorchúrsaíocht, ba cheart iad a eisiamh ón incháilitheacht chun na dearbhuithe custaim lena mbaineann a neamhbhailíochtú.
- (9) Leagtar amach in Iarscríbhinn B a ghabhann le Rialachán Tarmligthe (AE) 2015/2446 na ceanglais choiteanna sonraí le haghaidh dearbhuithe custaim, lena n-áirítear dearbhuithe H1, H6 agus H7.
- (10) Ar an gcéad dul síos, ba cheart an fhreagracht a bheith ar an dearbhóir, i.e. na hardáin agus na díoltóirí, nó ar an iompróir nó ar an ngníomhaire a dhearbhaíonn na hearraí do na húdaráis chustaim, an dleacht chustaim EUR 3 a íoc i gceart ar theacht isteach san Aontas. Ní féidir le daoine eile – lena n-áirítear an tomhaltóir – na hearraí a dhearbhu ach go hiarmharach amháin. Ar an gcúis sin, ba cheart coincheapa an duine inchánach atá faoi dhliteanas i leith CBL ar allmhairí de bhun Threoir 2006/112/CE agus coincheap fhéichiúnaí an fhéich custaim de bhun Airteagal 77 de Rialachán (AE)

Uimh. 952/2013 a ailíniú a thuilleadh i gcás ciandíol earraí i gcoinsíneacht nach mó ná EUR 150 a luach intreach. Dá bhrí sin, is gá an dearbhóir a mhodhnú chun críocha dhearbhuithe H1, H6 agus H7 in Iarscríbhinn B a ghabhann le Rialachán Tarmligthe (AE) 2015/2446. Tá gá freisin le leasuithe comhfhreagracha ar ainmneacha cholúin an Dearbhaithe Iontrála Achomair san Iarscríbhinn sin chun ailíniú leis na hathruithe ar an sainmhíniú ar ‘earraí i gcoinsíneacht phoist’.

- (11) Chun feabhas a chur ar rialuithe ar earraí a dhíoltar i gciandíol earraí allmhairithe, ba cheart sainmhínte nua agus ceanglais nua maidir le sainaitheantóirí táirge a thabhairt isteach. D’fhonn an gá atá le coigeartuithe TF sna Ballstáit a íoslaghdú, is iomchuí na ceanglais a áireamh san eilimint sonraí ‘Doiciméad Tacaíochta’ in Iarscríbhinn B a ghabhann le Rialachán Tarmligthe (AE) 2015/2446.
- (12) Ba cheart cur i bhfeidhm an Rialacháin seo a chur siar chun é a ailíniú le dáta chur i bhfeidhm Rialachán (AE) 2026/382.
- (13) Ba cheart, dá bhrí sin, Rialachán Tarmligthe (AE) 2015/2446 a leasú dá réir,
TAR ÉIS AN RIALACHÁN SEO A GHLACADH:

Airteagal 1

Leasaítear Rialachán Tarmligthe (AE) 2015/2446 mar a leanas:

- (1) leasaítear Airteagal 1 mar a leanas:

- (a) cuirtear an méid seo a leanas in ionad phointí (24) agus (25):

‘(24) ciallaíonn ‘earraí i gcoinsíneacht phoist’ earraí i gcoinsíneacht nach mó ná EUR 150 a luach intreach, a dhíoltar i gciandíol earraí allmhairithe mar a shainmhínítear in Airteagal 14(4), pointe (2), de Threoir 2006/112/CE, cé is moite d’earraí a bhfuil a n-allmhairiú díolmhaithe ó CBL i gcomhréir le hAirteagal 143(1), pointe (ca), den Treoir sin, agus earraí a thairbhíonn de bhearta fabhracha, lena n-áirítear iad siúd dá bhforáiltear i gcomhaontuithe aontais custaim;

(25) ciallaíonn ‘oibreoir poist’ oibreoir atá bunaithe i mBallstát agus atá ainmnithe ag Ballstát chun seirbhísí idirnáisiúnta a sholáthar atá faoi rialú ag an gCoinbhinsiún Poist Uilechoiteann a glacadh an 10 Iúil 1984 faoi choimirce Eagraíocht na Náisiún Aontaithe, agus atá freagrach as ítimí comhfhreagrais agus earraí atá i mbeartán nó i bpacáiste poist a iompar;’;

- (b) cuirtear na pointí seo a leanas isteach:

‘(57) ciallaíonn ‘sainaitheantóir táirge’ cód alfa-uimhriúil uathúil a shanntar do shamhail shonrach, do bhaisc shonrach nó d’earra sonrach, ar aon leibhéal pacáistithe, lena n-áiríthítear sainaitheantóir agus inrianaitheacht bheacht gan débhrí na samhla, na baisce nó an earra sin ag gach céim sa slabhra soláthair, óna t(h)airiscint lena d(h)íol, lena n-áirítear díolachán ar líne nó ciandíol, go dtí an díol agus an soláthar, agus go dtí gníomhaíochtaí iarmhargaidh;

(58) ciallaíonn ‘sainaitheantóir táirge an cheannaitheora’ aitheantóir táirge arna shannadh ag díoltóir, margadh nó ardán ar líne;

(59) ciallaíonn ‘sainaitheantóir táirge neamhchaighdeánaithe an mhonaróra’ sainaitheantóir táirge arna shannadh ag monaróir, táirgeoir nó soláthróir táirge ar sainaitheantóir táirge é nach mbraitheann ar chaighdeán atá aitheanta go hidirnáisiúnta;

(60) ciallaíonn ‘sainaitheantóir táirge caighdeánaithe an mhonaróra’ sainaitheantóir táirge arna shannadh ag monaróir, táirgeoir nó soláthróir táirge ar sainaitheantóir táirge é a bhraitheann ar chaighdeáin atá aitheanta go hidirnáisiúnta;

(61) ciallaíonn ‘itim’ earra amháin nó níos mó i gcoinsíneacht leis an rangú taraife céanna, an tuairisc chéanna agus, má sholáthraítear í i gcomhréir leis na ceanglais sonraí is infheidhme maidir leis an dearbhú custaim ábhartha nó maidir leis na sonraí atá le soláthar nó le cur ar fáil do na húdaráis chustaim, an tionscnamh céanna.’;

(2) i dTeideal III, Caibidil 3, Roinn 1, scriostar ceannteideal Fhoroinn 1;

(3) in Airteagal 104, scriostar mír 2;

(4) in Airteagal 106, scriostar mír 4;

(5) leasaítear Airteagal 113a mar a leanas:

(a) cuirtear an méid seo a leanas in ionad mhír 2:

‘2. I gcás nach gcuireann an t-oibreoir poist na sonraí atá ag teastáil le haghaidh an dearbhaithe iontrála achomair maidir le hearraí a iompraítear faoi fhreagracht oibreora poist ar fáil d’iompróir a bhfuil sé d’oibleagáid air an chuid eile de shonraí an dearbhaithe a thaisceadh tríd an gcóras dá dtagraítear in Airteagal 182(1) de Rialachán Cur Chun Feidhme (AE) 2015/2447, déanfaidh oibreoir poist an chinn scríbe i gcásanna ina gcoinsínítear na hearraí chuig an Aontas, nó oibreoir poist Bhallstát na céadiontrála i gcásanna ina bhfuil na hearraí ar idirthuras tríd an Aontas, na sonraí sin a sholáthar d’oifig custaim na céadiontrála i gcomhréir le hAirteagal 127(6) den Chód.’;

(b) cuirtear an méid seo a leanas in ionad mhír 4:

‘4. I gcás nach gcuireann oibreoir poist an tríú tír na sonraí atá ag teastáil le haghaidh an dearbhaithe iontrála achomair maidir le hearraí a iompraítear faoi fhreagracht oibreora poist ar fáil d’iompróir a bhfuil sé d’oibleagáid air an chuid eile de shonraí an dearbhaithe a thaisceadh tríd an gcóras dá dtagraítear in Airteagal 182(1) de Rialachán Cur Chun Feidhme (AE) 2015/2447, déanfaidh oibreoir poist an tríú tír i dtír an tseolta na sonraí sin a sholáthar d’oifig custaim na céadiontrála i gcomhréir le hAirteagal 127(6) den Chód, má dhéantar na hearraí a thrasloingsiú tríd an Aontas.

(6) in Airteagal 138, scriostar pointe (f);

(7) in Airteagal 140(1), cuirtear an méid seo a leanas in ionad phointe (d):

‘(d) earraí a iompraítear faoi fhreagracht oibreora poist nó earraí i mearchoinsíneacht nach mó a luach ná EUR 1 000 agus nach bhfuil faoi dhliteanas i leith dleacht ar onnmhairí.’;

(8) leasaítear Airteagal 141 mar a leanas:

(a) scriostar mír 3;

(b) cuirtear an méid seo a leanas in ionad mhír 4:

‘4. Earraí a iompraítear faoi fhreagracht oibreora poist nach mó a luach ná EUR 1 000 agus nach bhfuil faoi dhliteanas i leith dleacht ar onnmhairí, measfar go mbeidh siad dearbhaithe lena n-onnmhairiú trína n-imeacht ó chríoch chustaim an Aontais.’;

- (9) in Airteagal 142, cuirtear an méid seo a leanas in ionad pointe (b):
'(b) earraí a ndéantar iarratas ar aisíoc dleachta nó muirear eile ina leith mura mbaineann an t-iarratas sin le neamhbhailíochtú an dearbhaithe custaim maidir le scaoileadh i saorchúrsaíocht earraí atá faoi réir faoiseamh ó dhleacht ar allmhairí i gcomhréir le hAirteagal 25(1) de Rialachán (CE) Uimh. 1186/2009;';

- (10) cuirtear an méid seo a leanas in ionad Airteagal 143a:

'Airteagal 143a

Dearbhú maidir le scaoileadh i saorchúrsaíocht earraí i gcoinsíneacht nach mó ná EUR 150 a luach intreach a dhíoltar i gciandíol

(Airteagal 6(2) den Chód)

Earraí i gcoinsíneacht ar mó ná EUR 150 a luach intreach, a dhíoltar i gciandíol earraí allmhairithe mar a shainmhínítear in Airteagal 14(4), pointe (2), de Threoir 2006/112/CE, féadfar iad a dhearbhu maidir le scaoileadh i saorchúrsaíocht ar bhonn an tacair sonraí shonraigh dá dtagraítear i gcolún H7 d'Iarscríbhinn B a ghabhann leis an Rialachán seo, ar choinníoll nach bhfuil na hearraí sa choinsíneacht sin faoi réir toirmeasc ná srianta.';

- (11) cuirtear an méid seo a leanas in ionad Airteagal 144:

'Airteagal 144

Dearbhú custaim le haghaidh earraí a iompraítear faoi fhreagracht oibreora poist

(Airteagal 6(2) den Chód)

Féadfaidh oibreoir poist dearbhú custaim a thaisceadh maidir le scaoileadh i saorchúrsaíocht ina bhfuil an tacar sonraí laghdaithe dá dtagraítear i gcolún H6 d'Iarscríbhinn B i leith earraí a iompraítear faoina fhreagracht i gcás ina gcomhlíonann na hearraí na coinníollacha seo a leanas:

- (a) nach mó a luach ná EUR 1 000;
- (b) nach bhfuil siad faoi réir toirmeasc ná srianta.';

- (12) In Airteagal 148(3), cuirtear an fhomhír seo a leanas isteach:

'Ní bheidh feidhm ag an mír seo maidir le ciandíol earraí allmhairithe mar a shainmhínítear in Airteagal 14(4), pointe (2), de Threoir 2006/112/CE i gcoinsíneacht nach mó ná EUR 150 a luach intreach.';

- (13) Leasaítear Iarscríbhinn B i gcomhréir leis an Iarscríbhinn a ghabhann leis an Rialachán seo.

Airteagal 2

1. Tiocfaidh an Rialachán seo i bhfeidhm an lá tar éis lá a fhoilsithe in *Iris Oifigiúil an Aontais Eorpaigh*.
2. Beidh feidhm aige ón 1 Iúil 2026.
3. De mhaolú ar mhír 2, pointe (2), beidh feidhm ag litreacha (a) agus (b) den Iarscríbhinn ón 1 Samhain 2026. Mar sin féin, féadfaidh oibreoirí na sonraí de réir

phointe (2), litreacha (a) agus (b) den Iarscríbhinn a sholáthar go deonach ón 1 Iúil 2026.

Beidh an Rialachán seo ina cheangal go huile agus go hiomlán agus beidh sé infheidhme go díreach i ngach Ballstát.

Arna dhéanamh sa Bhruiséil, 30.4.2026

Thar ceann an Choimisiúin
An tUachtarán
Ursula VON DER LEYEN